

Gogo - Iwacekulu Mandiko Gono Gelile - Wives Scriptures

WaEfeso 5:22-24 Iwacekulu wawahulikaje iwalume zawo nha kotya kumuhulika Muwaha. 23 Hambi u mulume nha yo yena uwulajilize kuli mugolece wakwe, nha vyono nayo Kilisito yena wulajilize mwi Kanisa, nayo Kilisito mweneco yo kayikombozaga Kanisa nha cinji u muwili wakwe. 24 Alu nha vyono Likanisa likumuhulika Kilisito, ale nhavivyo ne wacekulu wawahulikaje walume zawo muli zose.

WaEfeso 5:31,33 Nha vyono gakulonga i Mandiko Gono Gelile, “Ku soko yiyo u mulume kowaleka u Sogwe no nyina, vilunze no mugolece wakwe, nawo vyono wejete wowa muwili monga.” 33 Ninga zikumupamizenyi na nyenye nhavivyo, vyono yimunojeye mulume wo wose yamwende mugolece wakwe nha vyono ye yendile mweneco, nayo u mucukulu, yimunojeye yamogope u mulume wakwe.

1 WaKolinto 7:3-5 Nayu u mulume yafisilize yono yimunojeye kuli mugolece wakwe, u mugolece nayo nhavivyo, yafisilize yono yimunojeye kuli mulume wakwe. 4 U mugolece si kowusuma u muwili wakwe yali wene du, langa u mulume wakwe yo kowusuma, nhavivyo nayo u mulume, si kowusuma u muwili wakwe yali wene, langa mugolece wakwe yo kowusuma. 5 Mulece kwiyima kuli yono munojeye, langa hono muwe mulagane kunoza nhavivyo kwa cidaha du, ho mwiwuyile kanyhi Iwa kamonga, ho Setani yalece kumuletelenyi majelo ku soko yo wusocele wenu.

1 WaKolinto 7:34 nayo yakuwa yegawile hanhu hejete. Nayu u mucukulu mono siyatoligwe hamba muhinza, keyipiganzaga ne zinghani zo Muwaha du, ho yasume kwiyilavya nhumbula yakwe no muwili wakwe kuli Muwaha. Ninga u mucukulu mutolwa mwene yakuwa kwipiganza ku so za mononze yiyi munghango nha vyono kosuma kumwendeza u mulume wakwe.

WaKolosayi 3:18 Anye mo wagolece, muwahulice walume zenyu, hambi nha vyo yendile u Muwaha.

1 Timoteyo 2:11-15 Hambi iwacekulu nha yiwanoyeye weyijize watulile, kanyhi wawe wenenenyhezi. 12 Ninga singhuwakombola iwacekulu wejize hamba kuwatema i walume, langa yiwanoyeye weze wekaye watulile du. 13 Hambi Adamu nha yo yalongola kuwumbwa, na hanyuma yayo, ho Hawa. 14 Na kanyhi, Adamu yo si yakongwa ng'o, langa u mucukulu yo yakongwa, no kuwubena u Wulajilize wo Mulungu. 15 Ninga hamba nhavivyo umucekulu koloponywa so wulela wana, hono yekale mu wihuwi, wendo, wele, no winenenyhezi.

Mwamulizo 3:16 - 1 Petelo 3:1-6 Nanye nyo wacekulu, mweze ne cihuliko kuli walume zenyu, ho yiwe, hono hawe howali i walume wono si wayihuwiye i nghani yo Mulungu, ho wasume nawo kwihuwi, kolo wakuyiwona i mikalile yenyu. Hambi nha kowa kusina soko yo kulonga kuli'nye, nghani yo

yose, 2 hambi nha woyiwona weneco i mikalile yenu vyono yelile, yono yimogopile Mulungu. 3 Na mu wihambe wenyu, mulece kucelelela muno izinghani za munze du, nha zo wutawa zimvili, nazo wuvwala i vinhu vye zizahabu, ne myenda ye cimalidadi. 4 Langa wuswanu wenyu wunojeye wulawe mu wuwe wa mugati wo wunhu we mbeka, wono siwusakalaga, wo wuswanu no watuvu we nhumbula, wono wina wuguzi wukamu hali Mulungu. 5 Nhavivyo i katali, vyo wehambaga iwacekulu we ling'ani, wono wali wamwitumbiye Mulungu, wakawa wali cihuliko kuli walume zaho. 6 Nha vyono Sala nayo, yamuhulikaga Abulahamu, sunga yamutezaga mutwawe. Nalu nanye mweza wanagwe we cicekulu, hono mwitume viswanu hamba kugofywa na cinhu cinji co cose.

Tito 2:1-5 Ninga agwe yikunojeye wuganule ze mafundo ge telele. 2 Wuwalonjelaje i wakombi vyono yiwanojeye waweze ne cisindo, wawe watuvu, weyimizi, kanyhi waweze no wihuwi we telele, wawe no wendo hamonga no wukangalizi. 3 Wuwalonjelaje sunga ne wadala nawo nhavivyo yiwanojeye wawe ne mikalile yo wumogopa u Mulungu, walece kuwa wasonjezi hamba kuwa wawanda wo wujimbi. Yiwanojeye wawe kwijiza i ziswanu, 4 ho wawazoweze i wahinza kuwenda i walume zaho hamonga ne wana waho, 5 kanyhi weze weyimizi akuno wali cisindo, wawe kuzilanjlila viswanu i zinghani za mu zinyumba zaho, kanyhi waweze ne cihuliko kuli walume zaho, ho nghani yo Mulungu yilece kubedegalwa.

1 WaKolinto 11:5-7,10 No mucukulu nayo hono yawe yakuhemba hamba yakuganula inghani yo Mulungu akuno si yagubicize mutwe wakwe, nayo yakumubedegala mulume wakwe, nayo mucukulu mono yakunoza nhavivyo, wali sawa du no mucukulu mono yanyonyoye u mutwe wakwe. 6 Nayo u mucukulu mono si yagubice u mutwe wakwe, ale yali yiwe yili ciba hono yali yazinyonyole zimvili zakwe. Ninga co cevu kuli mucukulu hono yanyonyolwe zimvili zakwe, hamba kucetwa, holeka yili ciba hono yawugubicize u mutwe wakwe. 7 Si viswanu kuli mulume hono yagubicize u mutwe wakwe, vyono u mwene yo hwani yo Mulungu, kanyhi co cilole co lukumyo lo Mulungu, ninga u mucukulu, co cilole no lukumyo lo mulume. 10 Yo yikuleka u mucukulu kagubicizaga u mutwe wakwe, ho ciwe co citanjilo cono cikulajila vyono u mwene yali hasi yo wulajilize wo mulume wakwe, na kanyhi ku so Wamalayika.

Wihwanicizo 12:4; 14:1; 19:13; 21:9,19; 25:24; & 27:15,16 - contentious & angry Iwacekulu

Wihwanicizo 31:10-31 - The Virtuous Iwacekulu.